

2018/E4/029

Dumanda sposta da Mma FAGNI è Francescu BERNARDI à nome di u gruppu « FEMU A CORSICA »

Question déposée par Mme Muriel FAGNI et François BERNARDI

Au nom du groupe "FEMU A CORSICA"

Ogettu : Aiutu à l'Associ di a prutezzione animale

Sgiò presidente,

Vuleriamu amintà u tema di u maltrattà animale. Avemu ricevutu pocu fà i membri di un associu di prutezzione animale, chì ci anu spostu e difficoltà numerose ch'elli impettanu.

St'associ è cullettivi, mettenu in ballu azione parechje, pò esse l'identificazione di u maltrattà voluntariu o involuntariu o a ricuperazione d'animali errenti, ma dinù a presa in carica di curamenti è di bisogni cutidiani d'animali d'ogni razza.

Tenimu à insiste nantu à l'azione di st'associ di pettu à a ricuperazione d'animali errenti chì hè l'errenza animale un prublema ricorrente in Corsica è st'associ ponu purtà un principiu di suluzione.

St'associ malgradu un travagliu necessariu è più chè laudevule, facenu u custattu d'un'assenza di lighjibilità, d'assai sulitutine in e so iniziative è d'un mancu di mezi impurtenti strutturali è finanziari.

Sgiò presidente, in u quadru di e competenze di a Cullettività Territoriale di Corsica, chì mezi è arnesi pudemu prupone è chì misure concrete puderiamu piglià da facilità l'azione di st'associ nantu à u nostru territoriu, particularmente cuncernendu u trattamentu di l'animali errenti ?

Vi ringraziu